

III.

Bona fides ne iure quidem Canonico necessaria est ad actionum personalium praescriptionem.

IV.

Bigamiae, itemque adulterio duplici attentato, non Saxonico minus, quam civili iure praescribitur quinque annis.

V.

Accusatio, itemque inquisitio, in capite adulterii ad quinque tantummodo annos, eosdemque ab ultimo actu iudiciali computandos, perpetuatur.

VI.

Praescriptione perimitur obligatio non civilis tantum, sed et naturalis.

VII.

Velim diligentius aliquanto attendant advocati, ut, quoties pro Ecclesia contra praescriptionem quadragenariam nituntur, toties moneant, eidem non tantum quadriennium restitutionis in integrum adiiciendum, sed et tempus illud, quo vixit alienans administrator, itemque, quo Ecclesia destituta fuit administratore, aut habuit administratorem, sed vel inutilem, vel nocivum, deducendum esse. Quod quidem a plerisque parum animadverti, dolemus.

VIII.

L. 13. §. ult. C. de Iudiciis, qua minoribus adversus praescriptionem iudicalem restitutio demum datur in subsidium; hucusque propemodum vel ignorata, vel parum curata fuit. At publice interest, eam non in memoriam modo, sed et usum revocari.

S. D. G.